

KOLOKSIUM SISWAZAH KITA

PEMBENTANGAN DERAFAK AKHIR
DOKTOR FALSAFAH (PENGAJIAN ETNIK)

NOR ZUWAIRI BIN ZAKWA
(P88948)

*Kedinamikan Pemuafakatan Politik
Kepembangkangan
Di Semenanjung Malaysia*

17 MAC 2026 (SELASA)

10.00 PAGI

BILIK MESYUARAT KITA, ARAS 4,
KOLEJ KERIS MAS, UKM



Nama: Nor Zuwairi Bin Zakwa (P88948)
Program: Doktor Falsafah (Pengajian Etnik)
Penyelia Utama: Prof. Dr. Kartini Aboo Talib@Khalid
Penyelia Bersama: Dr. Shazlin Amir Hamzah
Dr. Rachel Chan Suet Kay
Tajuk: Kedinamikan Pemuafakatan Politik Kepembangkangan
Di Semenanjung Malaysia

Kajian ini berhasrat ingin mengkaji sejauhmana demokrasi pemuafakatan menjadi formula terpenting kepada kedinamikan gabungan politik kepembangkangan di Semenanjung Malaysia khususnya sejak tahun 1999. Menerusi penubuhan Barisan Alternatif pasca gerakan reformasi 1998, telah mewujudkan satu gabungan pembangkang yang cuba mencabar status quo dominasi pemuafakatan politik yang dipelopori Perikatan-Barisan Nasional sejak kemerdekaan Malaysia. Pemuafakatan politik Perikatan-Barisan Nasional ini dipengaruhi demokrasi pemuafakatan yang terbentuk hasil daripada persefahaman dan toleransi parti-parti politik yang bercirikan perkauman dan terbukti mendominasi politik di Malaysia sehingga PRU-2004. Namun, mulai PRU-2008, pengaruh dan kuasa Perikatan-Barisan Nasional mula dicabar dengan kewujudan pemuafakatan politik kepembangkangan. Objektif kajian ini pertama, ingin mengenalpasti apakah formula yang wujud dalam pembentukan pemuafakatan politik kepembangkangan di Malaysia. Kedua, meneliti apakah ciri-ciri atau elemen baharu yang terdapat dalam pemuafakatan politik kepembangkangan yang mempunyai perbezaan dengan yang pernah dikemukakan oleh Arend Lijphart dan ketiga, menjelaskan sejauhmana hubung kaitan antara konsep kepembangkangan dan konsep Bangsa Idaman atau 'Nation of Intent' terhadap pemuafakatan politik ini dengan melihat kepada dorongan atau cabaran konsep Bangsa Idaman ini ke atas pembentukan pemuafakatan politik kepembangkangan dalam konteks politik di Malaysia. Kaedah temubual terfokus individu terpilih dari kalangan ahli politik, akademik dan juga media digunakan dalam kajian ini. Data-data yang digunakan melibatkan data kualitatif yang memerlukan analisis mendalam melalui teori/konsep yang digunakan seperti teori Demokrasi Pemuafakatan, konsep kepembangkangan dan konsep Bangsa Idaman atau 'Nation of Intent'. Antara jangkaan dapatan kajian adalah wujudnya ciri tambahan kepada demokrasi pemuafakatan itu selain perkara-perkara atau faktor-faktor yang menjadi pengikat utama kepada kekuatan pemuafakatan politik kepembangkangan ini. Secara keseluruhannya, kajian ini diharapkan dapat memprojeksi bentuk gabungan parti politik di Malaysia yang lebih unik di era baharu ini di samping menyumbang kepada proses penerokaan ilmu baharu khususnya dalam bidang pemuafakatan politik di Malaysia.